



Broj: 16-03-02-3-281/21
Istočno Sarajevo, 08.04.2021. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Državna agencija za istrage i zaštitu p o d n o s i

**IZVJEŠTAJ O RADU
DRŽAVNE AGENCIJE ZA ISTRAGE I ZAŠTITU ZA 2020. GODINU**

Istočno Sarajevo, april 2021. godine

I - UVOD

Izvještaj o radu Državne agencije za istrage i zaštitu (u daljem tekstu: Agencija) za 2020. godinu urađen je u skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, br. 45/15, 64/18 i 7/19).

Agencija je u 2020. godini radila na ukupno 2.524 predmeta koji su se odnosili na otkrivanje i istraživanje krivičnih djela iz nadležnosti Suda BiH, od čega su 972 okončana ili 39%. Od ukupnog broja predmeta, 1.222 predmeta su bili istražni, od kojih je 429 okončano ili 35%, dok je obavještajnih predmeta bilo 1.302 od kojih su 543 okončana ili 42%.

U 2020. godini Agencija je nadležnim tužilaštvima u BiH podnijela ukupno 144 izvještaja o postojanju osnova sumnje o počinjenom krivičnom djelu protiv ukupno 299 osoba (280 fizičkih osoba, 17 pravnih osoba i dvije NN osobe) i 20 dopuna izvještaja protiv ukupno 42 fizičke osobe.

Posmatrajući po prioritetima proklamovanim u Programu rada Agencije za 2020. godinu, rezultati rada su sljedeći:

Red. br.	Krivična djela iz nadležnosti Agencije	Predmeti			Izvještaji i dopune izvještaja o postojanju osnova sumnje o počinjenom krivičnom djelu podneseni tužilaštvima u BiH				Br. krivičnih djela otkrivenih podnesenim izvještajima i dopunama izvještaja
		Br. predmeta na kojima je rađeno u 2020.	Br. okončanih predmeta u 2020.	% okončanih predmeta	Br. izvještaja	Br. osoba obuhvaćenih izvještajima	Br. dopuna izvještaja	Br. osoba obuhvaćenih dopunama izvještaja	
1.	Terorizam i krivična djela koja se mogu dovesti u vezu sa terorizmom	32	11	34%	1	1	1	1	3
2.	Finansijski kriminal i korupcija	202	113	56%	16	85	7	15	61
3.	Neovlašteni promet opojnim drogama	58	16	28%	15	40	2	4	29
4.	Trgovina ljudima i krijumčarenje ljudi	55	28	51%	23	41	1	3	32
5.	Nedozvoljeni promet oružjem i vojnom opremom	14	7	50%	10	12	3	4	16
6.	Krivtvođenje isprava	6	2	33%	62	77	-	-	69
7.	Krivtvođenje novca	6	2	33%	2	2	1	2	4
8.	Povreda autorskih prava	29	9	31%	-	-	-	-	-
9.	Pranje novca i finansiranje terorističkih aktivnosti	82	-	-	10	36	5	13	59
10.	Ratni zločini i krivična djela kažnjiva po međunarodnom humanitarnom pravu	651	204	31%	-	-	-	-	-
11.	Ostala krivična djela	87	37	43%	5	5	-	-	6

Od ukupnog broja podnesenih izvještaja o postojanju osnova sumnje o počinjenom krivičnom djelu, podneseno je deset izvještaja kojima su prijavljene 73 osobe (67 fizičkih osoba i šest pravnih osoba) i pet dopuna izvještaja kojima je prijavljeno 12 fizičkih osoba, podneseni su zbog postojanja osnova sumnje da je počinjeno krivično djelo organizirani kriminal u vezi sa krivičnim djelima finansijskog kriminala i korupcije, neovlaštenog prometa opojnim drogama, krijumčarenjem ljudi i falsifikovanjem isprava i pranjem novca.

Materijalna šteta po budžete u Bosni i Hercegovini identificirana podnesenim izvještajima o postojanju osnova sumnje o počinjenim krivičnim djelima iz oblasti finansijskog kriminala iznosi 36.701.309,20 KM, a nezakonito stečena imovinska korist identificirana izvještajima iznosi 625.427,20 KM.

U sklopu istraga krivičnih djela iz nadležnosti Agencije provedene su tri finansijske istrage kao i dvije dopune istraga. Agencija je prepoznala važnost vođenja ove vrste istraga radi utvrđivanja nezakonito stečene imovine vršenjem krivičnog djela i stvaranja pretpostavki za njeno oduzimanje u sudskom procesu. Ovoj vrsti istraga posvećena je naročita pažnja, te, iako nije formirana posebna unutrašnja organizaciona jedinica koja bi se bavila ovim istragama, izvršena je preraspodjela postojećeg kadra.

Istragama krivičnih djela pranja novca utvrđeno je da je kroz finansijski sistem Bosne i Hercegovine u legalne novčane tokove ubačeno 12.912.434,46 KM nelegalno stečenog novca, dok je pričinjena materijalna šteta od prijavljenih krivičnih djela ukupno iznosila 6.885.797,21 KM, te stečena imovinska korist iznosila je 8.563.615,24 KM.

U okviru kriminalističko-obavještajnog rada rađeno je na ukupno 189 predmeta, od kojih su okončana 83 ili 44%. Tokom obavještajnog rada sačinjeno je ukupno 1.939 KOI 4x4, 71 operativna analiza i 45 profila meta.

U 2020. godini Agencija je podnijela 2.413 izvještaja o preduzetim mjerama i radnjama, lišeno je slobode 236 osoba, izvršena su 493 pretresa objekata, saslušano 2.848 svjedoka i ispitane 502 osumnjičene osobe. Realizirana je 81 operativna akcija u kojima su privremeno oduzete određene količine droge (0,651 kg heroína, 1,582 kg kokaina, 444,6 kg marihuane – skanka, 20 kom. kanabis sativa stabljika, 5,657 kg amfetamina, 1 kg spida, 0,02 kg hašiša, 186 kom. ekstazi tableta, tri kom. ostalih tableta), te je privremeno oduzeta određena količina oružja (23 duge cijevi, 14 kratkih cijevi, 4.156 kom. municije raznog kalibra, 0,75 kg eksploziva i osam bombi).

U okviru aktivnosti koje se odnose na posebne istražne radnje, za potrebe Agencije postupano je po 71 naredbi Suda Bosne i Hercegovine i 45 naredbi kantonalnih sudova, te po 68 naredbi Tužilaštva Bosne i Hercegovine i 36 naredbi kantonalnih tužilaštava. Za potrebe drugih policijskih agencija postupano je po 73 naredbe kantonalnih sudova. U okviru posebnih istražnih radnji provedeno je 625 nadzora i tehničkih snimanja telekomunikacija.

Na osnovu 120 naredbi i zahtjeva Tužilaštva Bosne i Hercegovine i Suda Bosne i Hercegovine u okviru proceduralnih mjera zaštite pružene su mjere zaštite i podrške za 81 osobu, u okviru programa zaštite svjedoka postupano je po naredbama i zahtjevima Tužilaštva BiH iz prethodne godine a pružene su mjere zaštite i podrške za 11 osoba, a na osnovu 41 zahtjeva međunarodnih institucija i stranih država pružene su mjere zaštite i podrške za 14 osoba.

Jedinica za specijalnu podršku imala je 47 operativnih angažiranja, u okviru kojih je lišila slobode 37 osumnjičenih osoba, pružila pomoć prilikom 41 pretresa objekata i 83 pretresa lica, prilikom sprovođenja 86 osoba, vršila deset puta obezbjedenje oduzetih predmeta i 14 puta pružila pomoć prilikom pretresa pokretnih stvari, pružila pomoć drugim institucijama 13 puta i vršila osiguranje eksuhumacije dva puta. Od maja 2018. godine policijski službenici Jedinice za specijalnu podršku pružaju pomoć policijskim službenicima Granične policije BiH radi sprečavanja ilegalnog prelaska migranata preko državne granice. U 2020. godini, u skladu sa Odlukom Ministarstva bezbjednosti BiH, deset policijskih službenika Jedinice za specijalnu podršku Agencije na području Terenske kancelarije Istok – Terenska kancelarije Zvornik, kontinuirano je pružalo pomoć Graničnoj policiji BiH u sprečavanju ilegalnih migracija preko državne granice. Tokom operativnih angažiranja nije bilo povrijeđenih policijskih službenika Jedinice za specijalnu podršku niti osoba prema kojima su preduzimane mjere, a upotreba sile ocijenjena je kao zakonita i pravilna.

Odjel za unutrašnju kontrolu postupao je po 138 predmeta unutrašnjih istraga, od kojih su okončana 124 ili 90%. Podneseno je pet zahtjeva za utvrđivanje disciplinske odgovornosti zbog teže povrede službene dužnosti, koji su okončani izricanjem sankcije prema pet policijskih službenika zbog teže povrede službene dužnosti. Okončan je i jedan disciplinski postupak koji je zahtjevom pokrenut u 2019. godini, a u kojem je izrečena disciplinska sankcija prema jednom policijskom službeniku zbog počinjene teže povrede službene dužnosti. Podnesena su dva prijedloga direktoru Agencije za disciplinsku sankciju protiv dva policijska službenika zbog počinjenih lakših povreda službene dužnosti, od kojih je jedan rezultirao izricanjem sankcije zbog počinjenih lakših povreda službene dužnosti, a jedan nije okončan.

Međuagencijska i međunarodna saradnja

Tokom 2020. godine potpisan je:

- Sporazum o međusobnom pružanju pomoći i operativnoj saradnji u borbi protiv terorizma između Državne agencija za istrage i zaštitu, Obavještajno-sigurnosne agencije BiH, Granične policije BiH, Direkcija za koordinaciju policijskih tijela BiH, Federalne uprava policije, MUP-a Republike Srpske, Policije Brčko distrikta BiH i Službe za poslove sa strancima;
- Sporazum o depešnom saobraćaju između Državne agencije za istrage i zaštitu, MUP-a Republike Srpske, Federalne uprave policije, Granične policije BiH i Direkcije za koordinaciju policijskih tijela BiH.

Ostvarena je dobra međunarodna saradnja na 20 predmeta, od kojih je: jedan predmet u vezi sa terorizmom, jedan predmet u vezi sa finansijskim kriminalom i korupcijom, šest predmeta u vezi sa neovlaštenim prometom opojnim drogama, osam predmeta u vezi sa trgovinom ljudima i krijumčarenjem ljudi i četiri predmeta u vezi sa organiziranim kriminalom. Ostvarena je uspješna saradnja sa policijskim organima Republike Srbije, Republike Hrvatske, Crne Gore i Savezne Republike Njemačke.

Saradnja je ostvarena sa svim policijskim tijelima u Bosni i Hercegovini, kao i sa Ministarstvom sigurnosti Bosne i Hercegovine, Obavještajno-sigurnosnom agencijom Bosne i Hercegovine, Direkcijom za koordinaciju policijskih tijela Bosne i Hercegovine, Službom za poslove sa strancima, Upravom za indirektno oporezivanje Bosne i Hercegovine i drugim institucijama u Bosni i Hercegovini.

Specifičan vid saradnje predstavlja saradnja Finansijsko-obavještajnog odjela koja se odvija u oblasti sprečavanja i istraživanja krivičnih djela pranja novca i finansiranja terorističkih aktivnosti. Saradnja se odvija preko Egmont grupe i u 2020. godini Finansijsko-obavještajni odjel ostvario je saradnju sa 50 država.

Zakonodavna aktivnost

U okviru normativno-pravnih poslova doneseni su sljedeći akti Agencije:

1. Izmjene i dopune sigurnosnih operativnih procedura (SecOPs);
2. Interne procedure planiranja i izrade prijedloga budžeta Državne agencije za istrage i zaštitu;
3. Instrukcija o postupanju u vezi sa prijetnjom opasnosti po život i zdravlje zaposlenih u Državnoj agenciji za istrage i zaštitu uzrokovanih prisutnošću virusa COVID-19;
4. Odluka o izmjenama Odluke o listi radnih mjesta odnosno dužnosti za koje je potrebno izdavanje dozvole za pristup tajnim podacima;
5. Odluka o politici nulte tolerancije prema djelima seksualnog uznemiravanja i uznemiravanja na osnovu pola;
6. Odluka o imenovanju savjetnika za prevenciju seksualnog uznemiravanja u Državnoj agenciji za istrage i zaštitu;
7. Procedure obrade podataka u INTERPOL-ovom informacionom sistemu Državne agencije za istrage i zaštitu;
8. Instrukcija o obavještajnom i istražnom radu Državne agencije za istrage i zaštitu;
9. Pravilnik o izmjenama i dopunama Pravilnika o kućnom redu u Državnoj agenciji za istrage i zaštitu;
10. Interne procedure o postupanju pravima i obavezama zaposlenih u Državnoj agenciji za istrage i zaštitu tokom trajanja epidemije COVID-19;
11. Odluka o stavljanju van snage Odluke o pravima i obavezama zaposlenih u Državnoj agenciji za istrage i zaštitu koji se upućuju na stručno obrazovanje, usavršavanje i obučavanje.

Kadrovska popunjenost

Agencija je 31.12.2020. godine imala ukupno 773 zaposlena, što je 81% u odnosu na broj sistematiziranih radnih mjesta, od čega 567 policijskih službenika ili 83% popunjenih radnih mjesta, 73 državna službenika ili 68% popunjenih radnih mjesta i 133 zaposlenika ili 80% popunjenih radnih mjesta (31.12.2019. godine 756 zaposlenih). Radni odnos u Agenciji zasnovalo je 25 policijskih službenika, četiri državna službenika i šest odnosno četiri zaposlenika jer su dva već bili u radnom odnosu u Agenciji na drugim pozicijama.

Budžetska sredstva

Parlamentarna skupština Bosne i Hercegovine na 10. hitnoj sjednici Predstavničkog doma, održanoj 27. jula 2020. godine, i na 6. hitnoj sjednici Doma naroda, održanoj 29. jula 2020. godine, usvojila je Zakon o budžetu institucija Bosne i Hercegovine i međunarodnih obaveza Bosne i Hercegovine za 2020. godinu. Agenciji su odobrena sredstva u iznosu od 30.836.000,00 KM, i to za tekuće izdatke 29.636.000,00 KM i za kapitalne izdatke 1.200.000,00 KM. Izvršenje budžeta na kraju 2020. godine iznosilo je ukupno 30.207.491,00 KM od čega tekući izdaci 29.171.954,00 KM ili 98% i kapitalni izdaci 1.035.537,00 ili 92%. Početkom februara 2020. godine podnesen je zahtjev za prenos neutrošenih sredstava za projekat višegodišnjih kapitalnih ulaganja (izgradnja baze za smještaj i obuku Jedinice za specijalnu podršku) i novčane donacije 821200 - Nabavka građevina u iznosu 7.813.807,00 KM i 613900 – Ugovorene usluge u iznosu 27.239,00 KM. Ministarstvo finansija i trezora Bosne i Hercegovine je odobrilo navedeni zahtjev i izvršilo prenos nerealizovnih sredstava iz 2019. godine u 2020. godinu u iznosima i projektima kako je navedeno.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA DRŽAVNE AGENCIJE ZA ISTRAŽE I ZAŠTITU ZA 2020. GODINU
Opći cilj/principi razvoja: V UPRAVLJANJE U FUNKCIJI RASTA
Strateški cilj: 14. UBRZATI PROCES TRANZICIJE I IZGRADNJE KAPACITETA
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Programi, projekti i aktivnosti	Nosilac aktivnosti (organizaciona jedinica)	Pokazatelji			Izvori finansiranja i troškovi				Vrijeme provođenja		Komentar	
		Pokazatelji rezultata ili uticaja	Jedinica mjerenja(% , broj ili opisno)	Polazna vrijednost(n)	Ciljana vrijednost (n+1)	Ostvarena vrijednost na kraju godine(n+1)	Izvori finansiranja (budžet, krediti, donacije i ostalo)	Planirani troškovi	Ostvareni troškovi	Planirani kvartal za provođenje		Kvartal kada je aktivnost provedena
1	2	3	4	5	6	7	8	9	10	11	12	13
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH												
Projekat 1.1.1. Istrage krivičnih djela iz nadležnosti Suda BiH												
Aktivnost 1.1.1.1. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela terorizma i nedozvoljene trgovine ABHO	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	budžet	1.276.000	1.280.675	2020.	2020.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.2. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela organiziranog kriminala, kriminala u vezi sa trgovinom ljudima, opojnim drogama i ostalim krivičnim djelima	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	budžet	5.867.400	5.888.258	2020.	2020.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.3. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela finansijskog kriminala i korupcije	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	budžet	2.552.300	2.561.349	2020.	2020.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.4. Provođenje integriranih finansijskih istraga	Kriminalističko-istražni odjel	Procenat otvorenih finansijskih istraga u odnosu na broj pokrenutih	%	100	100	100	budžet	125.500	125.978	2020.	2020.	Otvorene su finansijske istrage u svim predmetima gdje postoji osnova sumnje za utvrđivanje koristi proizašle iz izvršenja krivičnog djela
Aktivnost 1.1.1.5. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela pranja novca i finansiranja terorističkih aktivnosti	Finansijsko-obavještajni odjel	Stepen izvršenih naredbi i zahtjeva Suda BiH i Tužilaštva BiH	%	100	100	100	budžet	723.100	725.685	2020.	2020.	Sve naredbe sudova i tužilaštava po ovoj vrsti kriminala su izvršene

Aktivnost 1.1.1.6. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela ratnih zločina i krivičnih djela kažnjivih po međunarodnom humanitarnom pravu	Sektor za istraživanje ratnih zločina i krivičnih djela kažnjivih po međunarodnom humanitarnom pravu i regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	budžet	3.438.100	3.450.465	2020.	2020.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.7. Operativno angažiranje Jedinice za specijalnu podršku po naredbama direktora SIPA-e	Jedinica za specijalnu podršku	Stepen izvršenih naredbi direktora za operativno angažiranje	%	100	100	100	budžet	5.081.000	4.649.446	2020.	2020.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.8. Saradnja i razmjena informacija u krivičnim istragama sa policijskim tijelima i ostalim partnerima u zemlji i inostranstvu	Kriminalističko-istražni odjel, regionalni uredi Banja Luka, Mostar, Sarajevo i Tuzla, Sektor za planiranje, analitiku, saradnju i informiranje	Stepen ostvarene saradnje u odnosu na broj zaprimljenih zahtjeva za saradnju	%	100	100	100	budžet	978.700	982.184	2020.	2020.	Odgovoreno je na sve upite domaćih i inostranih partnera za dostavu traženih informacija u skladu sa zakonskom regulativom
Projekat 1.1.2. IBIH-SIPA-2												
Aktivnost 1.1.2.1. Izgradnja objekta za smještaj i obuku Jedinice za specijalnu podršku		Stepen završetka projekta	%	5	100	5	budžet	1.152.000	0	2020.	2020.	Komentar je dat u tabeli VI - Izvještaj o realizaciji javnih investicija
Projekat 1.1.3. Prikupljanje i analitička obrada obavještenja i podataka o krivičnim djelima												
Aktivnost 1.1.3.1. Povećati broj i kvalitet prikupljenih informacija i obavještajnih podataka	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Broj sačinjenih KOI 4x4	Broj	2784	2800	2652	budžet	2.083.500	2.090.951	2020.	2020.	Napravljen je kvalitativni pomak u obavještajnom radu usvajanjem nove Instrukcije o obavještajnom radu
Aktivnost 1.1.3.2. Povećati broj i kvalitet produkata analitičkog rada	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Ukupan broj produkata analitičkog rada	Broj	614	620	573	budžet	2.296.000	2.303.943	2020.	2020.	Napravljen je kvalitativni pomak u obavještajnom radu usvajanjem nove Instrukcije o obavještajnom radu

Projekat 1.1.4. Provođenje posebnih istražnih radnji u otkrivanju najtežih oblika krivičnih djela iz nadležnosti Suda BiH													
Aktivnost 1.1.4.1. Provođenje posebne istražne radnje "Nadzor i tehničko snimanje telekomunikacija" po naredbama Suda BiH	Sektor za operativnu podršku i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	100	budžet	1.004.000	1.007.827	2020.	2020.	Sve naredbe suda za provođenje ove posebne istražne radnje su izvršene	
Aktivnost 1.1.4.2. Provođenje posebne istražne radnje "Nadzor i tehničko snimanje prostorija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	budžet	1.555.000	1.259.784	2020.	2020.	Sve naredbe suda za provođenje ove posebne istražne radnje su izvršene	
Aktivnost 1.1.4.3. Provođenje posebne istražne radnje "Tajno praćenje i tehničko snimanje osoba, transportnih sredstava i predmeta koji stoje u vezi sa njima" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	budžet	1.255.000	1.259.784	2020.	2020.	Sve naredbe suda za provođenje ove posebne istražne radnje su izvršene	
Aktivnost 1.1.4.4. Provođenje posebnih istražnih radnji "Simulirani i kontrolirani otkup i simulirano davanje potkupnine" i "Korištenje prikrivenih istražitelja i korištenje informatora" po naredbama Suda BiH	Kriminalističko-istražni odjel i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	100	budžet	269.100	284.996	2020.	2020.	Sve naredbe suda za provođenje ove posebne istražne radnje su izvršene	
Aktivnost 1.1.4.5. Provođenje posebne istražne radnje "Nadzirani prevoz i isporuka predmeta KD" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	budžet	251.000	251.957	2020.	2020.	Sve naredbe suda za provođenje ove posebne istražne radnje su izvršene	
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH													
Aktivnost 1.1.5.1. Provesti unutrašnje istrage na osnovu zahtjeva	Odjel za unutrašnju kontrolu	Procenat provedenih unutrašnjih istraga u odnosu na broj pokrenutih	%	100	100	100	budžet	125.500	125.978	2020.	2020.	Provedene su sve unutrašnje istrage na osnovu zahtjeva po svim osnovama	
Aktivnost 1.1.5.2. Utvrditi zakonitost primjene sredstava prinude od strane policijskih službenika	Odjel za unutrašnju kontrolu	Procenat provedenih istraga u odnosu na broj zahtjeva za utvrđivanje opravdanosti primjene sredstava prinude	%	100	100	100	budžet	125.500	125.978	2020.	2020.	U svim slučajevima upotrebe sredstava prinude provedene su istrage i utvrđeno da su sredstva prinude krištena u skladu sa zakonom	
Aktivnost 1.1.5.3. Izvršiti sigurnosne provjere po zahtjevima institucija	Odjel za unutrašnju kontrolu	Procenat izvršenih provjera u odnosu na broj zahtjeva	%	100	100	100	budžet	376.500	377.935	2020.	2020.	Izvršene su provjere po svim zahtjevima institucija u BiH	

Aktivnost 1.1.5.4. Vršiti interni nadzor nad primjenom zakona i podzakonskih akata u radu Agencije	Odjel za unutrašnju kontrolu i Sektor za planiranje, analitiku, saradnju i informiranje	Broj izvršenih unutrašnjih inspeksijskih nadzora	Broj	15	15	32	budžet	251.000	251.957	2020.	2020.	Izvršeni su inspeksijski nadzori u svim osnovnim organizacionim jedinicama
Projekat 1.1.6.. Zaštita svjedoka												
Aktivnost 1.1.6.1. Provesti programe zaštite svjedoka iz BiH po zahtjevima Tužilaštva BiH i Suda BiH	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	budžet	385.500	370.211	2020.	2020.	Izvršene su sve naredbe Suda BiH
Aktivnost 1.1.6.2. Provesti programe zaštite svjedoka drugih država	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	budžet	385.500	370.211	2020.	2020.	Izvršene su sve naredbe Suda BiH
Aktivnost 1.1.6.3. Postupiti po naredbama Suda BiH i Tužilaštva BiH za provođenje mjera zaštite zaštićenim svjedocima koji svjedoče pred Sudom BiH	Odjel za zaštitu svjedoka	Procenat provedenih mjera zaštite u odnosu na broj naredbi za provođenje mjera zaštite svjedoka	%	100	100	100	budžet	480.800	461.935	2020.	2020.	Izvršene su sve naredbe Suda BiH

III - IZVJEŠTAJ O IZRAĐENIM ZAKONIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2020. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv zakona	Vrijeme provođenja		Status zakona zaključno sa 31.12. 2020. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VMBiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH							
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH							
a) ZAKONI ZA KOJE SE NEĆE PROVODITI PROCJENA UTICAJA							
1. Zakon o Državnoj agenciji za istrage i zaštitu	I	-	DA	NE	NE	NE	Zakon je bio u parlamentarnoj proceduri, ali je vraćen Vijeću ministara na doradu

IV - IZVJEŠTAJ O IZRAĐENIM PODZAKONSKIM AKATIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2020. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1 UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv podzakonskog akta	Vrijeme provođenja		Status podzakonskog akta zaključno sa 31.12. 2020. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VMBiH (DA/NE)	
1	2	3	4	5	6	7	8
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH							
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH							
1. Pravilnik o unutrašnjoj organizaciji Državne agencije za istrage i zaštitu	II	-	NE	NE	NE	NE	- Čekalo se donošenje novog Zakona o Državnoj agenciji za istrage i zaštitu - Obzirom da Zakon još nije usvojen, formirana je Radna grupa za izradu Pravilnika i isti je u završnoj fazi prije dostavljanja u daljnju proceduru.

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2020. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv međunarodnog ugovora	Vrijeme provođenja		Status međunarodnog ugovora zaključno sa 31.12. 2019. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
-							
-							
-							

VI - IZVJEŠTAJ O REALIZACIJI JAVNIH INVESTICIJA PLANIRANIM GODIŠNIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2020. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv projekta javnih investicija	Vrijeme realizacije		Status (ZA VRŠENO, U POSTUPKU, ODLOŽENO,	Komentar
	Očekivani period realizacije	Završen (DA/NE)		
1	2	3	4	5
1.1. PRIKUPLJANJE OBAVJEŠTENJA I PODATAKA, SPREČAVANJE, OTKRIVANJE I ISTRAŽE KRIVIČNIH DJELA IZ NADLEŽNOSTI Suda BiH				
1.1.5. IBIH-SIPA-2				
1.1.5.1. Izgradnja objekta za smještaj i obuku Jedinice za specijalnu podršku	Kraj 2020.	NE	U POSTUPKU	Završene aktivnosti: - nabavljeno građevinsko zemljište; - odobreno idejno rješenje; - u pregovaračkom postupku izabran ponuđač za izradu Glavnog projekta; - dobijeni su lokacijski uslovi.

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Tokom izrade Izvještaja o radu Državne agencije za istrage i zaštitu za 2020. godinu, vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH, Graničnom policijom BiH, Službom za poslove sa strancima BiH, Agencijom za forenzička ispitivanja i vještačenja BiH, Agencijom za policijsku podršku BiH, Agencijom za školovanje i stručno usavršavanje kadrova i Ministarstvom finansija i trezora BiH. Konsultacije su se odnosile na formalni izgled Izvještaja, izbjegavanje preklapanja nadležnosti i usklađenost sa budžetskim okvirom. Izvještaj o radu Državne agencije za istrage i zaštitu bio je dostupan 14 dana na portalu „eKonsultacije“, a Izvještaj o provedenim konsultacijama, uz pribavljena mišljenja Ministarstva finansija i trezora Bosne i Hercegovine, Ministarstva sigurnosti Bosne i Hercegovine i Ureda za zakonodavstvo Vijeća ministara Bosne i Hercegovine, je u prilogu materijala dostavljenog Vijeću ministara BiH na usvajanje.

DIREKTOR
GLAVNI GENERALNI INSPEKTOR POLICIJE

Darko Ćulum